

Quóniam ipsíus est mare, et ipse fecit illud : * et siccam manus ejus formavérunt.

Aña. Veníte, adorémus eum : quia ipse est Dóminus Deus noster.

Et nos pópulos páscuæ ejus, et oves manus ejus. * Hódie si vocem ejus audiéritis, nolíte obdúrare corda vestra.

Sicut in irritatióne secúndum diem tentatiónis in desérto : * ubi tentavérunt me patres vestri, probavérunt me, et vidérunt ópera mea.

Aña. Veníte, adorémus eum, quia ipse est Dóminus Deus noster.

Quadragínta annis offénsus fui generatióni illi, * et dixi : Semper hi errant corde.

Et isti non cognovérunt vias meas, ut jurávi in ira mea : * Si introíbunt in réquiem meam.

Aña. Veníte adorémus eum : quia ipse est Dñus Deus noster.

Glória Patri, et Fílio, * et Spíritui sancto.

Sicut erat in princípio, et nunc et semper, * et in sæcula sæculórum. Amen.

Aña. Veníte adorémus eum : quia ipse est Dóminus Deus noster.

Antiphona prædicta cum suo Psalmo dicitur tantum hac nocte : per Octavam vero loco hujus dicitur :

Aña. Homo natus est * in ea, et ipse fundávit eam Altíssimus.
Psalmus 86.

FUNDAMENTA ejus in móntibus sanctis : * díligit Dóminus portas Sion super ómnia tabernácula Jacob.

Gloriosa dicta sunt de te : * cívitas Dei.

Memor ero Rahab et Babylónis : * sciéntium me.

Ecce alienígenæ, et Tyrus, et pópulus Æthíopum : * hi fuérunt illic.

Numquid Sion dicet : Homo, et homo natus est in ea : * et ipse fundavit eam Altissimus ?

Dóminus narrabit in scriptúris populórum, et príncipum : * horum qui fuérunt in ea.

Sicut lætantium ómnium : * habitatio est in te.

Aña. Homo natus est in ea, et ipse fundavit eam Altissimus.

Aña. Adoráte Dóminum, * allelúa, in aula sancta ejus, allelúa.

Psalmus 95.

CANTATE Dómino cáanticum novum : * cantáte Dómino, omnis terra.

Cantáte Dómino, et benedícite nómini ejus : * annuntiáte de die in diem salutáre ejus.

Annuntiáte inter gentes gloriā ejus : * in ómnibus pópulis mirabilia ejus.

Quóniam magnus Dóminus, et laudabilis nimis : * terríbilis est super omnes deos.

Quóniam omnes dii géntium dæmónia : * Dóminus autem cœlos fecit.

Conféssio et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commoveátur a fácie ejus univera terra : * dícite in géntibus, quia Dóminus regnávit.

Etenim corréxit orbem terræ, qui non commovébitur : * judicábit pópulos in æquitáte.

Læténtr cœli, et exsúltet terra commoveátur mare, et plenitúdo ejus : * gaudébunt campi et ómnia, quæ in eis sunt.

Tunc exsultábunt ómnia ligna silvárum a fácie Dómini, quia

venit : * quóniam venit judicáre terram.

Judicábit orbem terræ in æquité : * et pópulos in veritáte sua.

Aña. Adoráte Dóminum, allelúia : in aula sancta ejus, allelúia.

Aña. Adoráte Deum, * allelúia, omnes Angeli ejus, allelúia.

Psalmus 96.

DOMINUS regnávit, exsúltet terra : * lætentur ínsulæ multæ.

Nubes, et calígo in circúitu ejus : * justítia, et judícum corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidi, et commóta est terra.

Montes sicut cera fluxérunt a fácie Dómini : * a fácie Dómini omnis terra.

Annuntiavérunt cœli justitiam

ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui glorián-tur in simulácris suis.

Adoráte eum, omnes Angeli ejus : * audívit et lætáta est Sion.

Et exsultavérunt filiæ Judæ : * propter judícia tua, Dómine.

Quóniam tu Dóminus altíssimus super omnem terram : * ni-mis exaltátus es super omnes deos.

Qui dilígitis Dóminum, odíte malum : * custódit Dóminus áni-mas sanctórum suórum, de manu peccatóris liberábit eos.

Lux orta est justo : * et rectis corde lætitia.

Lætámini, justi, in Dómino : * et confitémini memóriæ sanctifi-catiónis ejus.

Aña. Adoráte Deum, allelúia. omnes Angeli ejus, allelúia.

f. Adoráte Dóminum, allelúia.

B. In aula sancta ejus, allelúia.

Pater noster. **secreto.** **¶**. Et ne nos indúcas in tentaciónem. **B.**
Sed líbera nos a malo.

Absolutio. A vínculis peccatórum nostrórum absólvat nos omnípotens et misericors Dóminus.

B. Amen.

¶. Jube, domne, benedicere.

Benedictio. Evangélica léctio sit nobis salus et protéctio. **B.** Amen.

Léctio sancti Evangélii secundum Matthæum.

Lectio vii. Cap. 2.

CUM natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Et réliqua.

Homilia S. Gregórii Papæ.

Homilia 10. in Evang.

SICUT in lectióne Evangélica, fratres charíssimi, audístis, cœli Rege nato, rex terræ turbá tus est: quia nimírum terréna altitudo confunditur, cum celsi-

túdo cœléstis aperítur. Sed quærendum nobis est, quidnam sit quod Redemptóre nato pastóribus in Judæa Angelus appáruit, atque ad adorándum hunc ab Oriénte Magos non Angelus, sed stella perdúxit? Quia videlicet Judæis, tamquam ratione uténtibus, rationale ánimál, id est, Angelus prædicare débuit: gentiles vero, quia uti ratione nesciébant, ad cognoscéndum Dóminum, non per vocem, sed per signa perducuntur. Unde étiam per Paulum dicitur: Prophetiae fidélibus datae sunt, non infidélibus: Signa autem infidélibus, non fidélibus. Quia et illis prophetiae tamquam fidélibus, non infidélibus: et istis signa tamquam infidélibus, non fidélibus data sunt.

B. Stella, quam víderant Magi in Oriénte, antecedébat eos, donec venírent ad locuin, ubi puer erat. * Vidéntes autem eam, gávisi sunt gáudio magno. **¶.** Et in-

trantes domum, invenérunt puerum cum María matre ejus, et procidéntes adoravérunt eum. Vidéntes autem eam, gávisi sunt gáudio magno.

X. Jube, domne, benedícere.

Benedictio. Divínū auxíliū máneat semper nobiscum. **B.** Amen.

Lectio viij.

Et notandum, quod Redemptorem nostrum, cum jam perféctae esset ætatis, eisdem gentilibus Apóstoli prædicant eúmque párvulum, et needum per humáni cónporis officium loquéntem, stella géntibus denúntiat : quia nimírum ratíonis ordo poscébat, ut et loquéntem jam Dóminum loquéntes nobis prædicatores innotécerent, et needum loquéntem eleménta muta prædicarent. Sed in ómnibus signis, quae vel nascénte Dómino, vel moriénte eo monstráta sunt, considerandum nobis est, quanta fúerit in

quorúmdam Judæórum corde duriá, qui hunc nec per prophetiæ donum, nec per mirácula agnoverunt.

B. Vidéntes stellam Magi, gávisi sunt gáudio magno : * Et intrantes domum, invenérunt puerum cum María matre ejus, et procidéntes adoravérunt eum : * Et apértis thesáuris suis obtulérunt ei múnera : aurum, thus, et myrrham. **X.** Stella, quam víderant Magi in Oriénte, antecedébat eos, usque dum véniens staret supra ubi erat puer. Et intrantes domum invenérunt puerum cum María matre ejus, et procidéntes adoravérunt eum. Glória Patri, et Fílio, et Spirítui sancto. Et apértis thesáuris suis obtulérunt ei múnera, aurum, thus, et myrrham.

X. Jube, domne, benedícere.

Benedictio. Ad societátem cívium supernórum perdúcatur nos Rex Angelórum. **B.** Amen.

Lectio ix.

OMNIA quippe eleménta auctórem suum venísse testáta sunt. Ut enim de eis quiddam usu humáno loquar : Deum hunc cœli esse cognovérunt, quia prótinus stellam misérunt. Mare cognóvit quia sub plantis ejus se calcábile præbuit. Terra cognóvit, quia eo moriénte contrémuit. Sol cognóvit, quia lucis suæ rádios abscóndit. Saxa et paríetes cognovérunt, quia témpore mortis ejus scissa sunt. Inférnus agnóvit, quia hos, quos tenébat mórtuos, réddidit. Et tamen hunc, quem Dóminum ómnia insensibília eleménta sénérunt, adhuc infidélium Judæórum corda Deum esse míname cognoscunt, et durióra saxis, scindi ad pœniténdum nolunt.

**Hymnus sanctorum Ambrosii
et Augustini.**

TE Deum laudámus : * te Dóminum confitémur.

Te ætérnum Patrem * omnis terra venerátur.

Tibi omnes Angeli : * tibi cœli et univérsæ potestátes :

Tibi Chérubim et Séraphim : * incessábili voce proclámant :

Sanctus, Sanctus, Sanctus, * Dóminus Deus Sábaoth.

Pleni sunt cœli et terra * majes-tatis gloriæ tuæ.

Te gloriósus * Apostolórum chorus.

Te Prophetárum * laudábilis númerus,

Te Mártyrum candidátus * lau-dat exércitus.

Te per orbem terrárum, * Sancta confítetur Ecclésia.

Patrem * imménsæ majestatis.

Venerándum tuum verum, * et únicum Fílium.

Sanctum quoque * Paráclitum Spíritum.

Tu Rex * gloriæ, Christe.

Tu Patris * sempitérnus es Fílius.